

41 تفسير سورة الشعراء (41) من قول الله تعالى (كذلك سلكناه

في قلوب المجرمين) الآيات 002-722

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد. سلام الله عليكم ورحمته وبركاته. ثم اما بعد انتهينا الى ان الله عز وجل المجرمون الذين يعاندون كتابه وسنة رسوله صلى الله عليه وسلم - [00:00:00](#) هذا العناد يسلكه الله في قلوبهم يعني يدخله في قلوبهم كذلك نسلكه اللي هو ايه؟ العناد والمكابرة وبرضو العناد والمكابرة في تنفيذ اوامر الشرع. دلوقتي بتفكر يعني الكلام ده خاص بمشركي مكة ولا لا - [00:00:28](#) ما تلاقي النص والانسان مش عاوز ينفزه وعارفه وعارف النص كويس مش عاوز انفزه ده مجرم الانسان اللي كده يبقى مجرم وهذا العناد سلك في قلبه كذلك نسلكه في قلوب المجرمين - [00:00:55](#) الاولون لا يؤمنون به حتى يروا العذاب الى اليوم. طب ودلوقتي المؤمن لكن ما بينفزش ما بينفزش كذلك نسلكه فيه. ينطبق عليه بقى ومن اعرض عن ذكرى فان له ايه؟ معيشة ضنكا - [00:01:18](#) ولذلك ويعني الحديس بتاع الرسول عليه الصلاة والسلام لما كان يكثر من قول يا مقلب القلوب ثبت قلبي على ايه ؟ قد تكون عندك يعني ايه رغبة في تنفيذ اوامر الشرع فترة - [00:01:37](#) وبعدين يحصل لك انتكاسة الهي مش عاوز تنفz وحاجات اعرفها وتقنع نفسك بقى بزروف معينة وحاجات مؤكدة يعني فالمعاندة والمكابرة بتدخل في القلب. كذلك نسلكه في قلوب المجرمين لا يؤمنون به حتى يروا العذاب الاليم - [00:01:54](#) ومش لازم العذاب الاليم يعني مسلا صعق من السماء خس لا لا ممكن العذاب الاليم في بيتك في حياتك. عذاب اليم. فعلا وبعدين تفوق وتعرف انك غلط وترجع عما انت فيه - [00:02:18](#) حاجات كتير اوي يا اخوانا بس المشكلة ان احنا ما بننتبهشي. وساعات ايات الخاصة بالكفار بنسيبها عند الكفار بس. لا بنوديبها لا شمال ولا يمين. ما لهاش دعوة بنا وما لناش دعوة بها - [00:02:38](#) واضح اي حاجة اي وعيد نزله عليك انت المقصود به انما سب غيرك هو المقصود خلاص يبقى مش هتتصلح مش هتتصلح. اي وعيد اعتبر نفسك انت اي تخويف اعتبروا القرآن بيكلمك انت - [00:02:52](#) او السنة بتكلمك انت لتسلم لتسلم لا يؤمنون به حتى يروا العذاب الاليم فيأتهم بغتة وهم لا يشعرون. فيقول هل نحن منظرون اف بعذابنا يستعجلون فعلا الناس ساعات بتستعجل العذاب - [00:03:14](#) واحد من مشكلة معينة يقول يا رب ياخده واستريح معقول معقول بعد ما تتاخذ هستريح ومين اللي قال لك ان بعد ما تتاخذ هستريح مش كده ولا ايه ها ساعات الواحد بيدعو على نفسه ما هي دي نفس استعجال بالعذاب - [00:03:34](#) استعجل بالعزاء ما اغنى عنهم ما كانوا يمتعون الايام الحلوة اللي اتمتعوا فيها راحت ما نفعتمش لان طبعا المتاع غالبا بيبقى مع التكريب ومع هوندا سورة محمد رب العزة يقول - [00:03:50](#) والذين كفروا ها يتمتعون ويأكلون او يتمتعون ويأكلون. هم هم ايه اصلا ايه ها كفره والذين كفروا يتمتعون ويأكل كما تأكل الانعام. طب ولزمتي ايه كما تأكل الانعام بالضبط الانعام بتاكل من اي ارض مش عارفة ارضها من ارض الجار. تاكل من اي مكان. اهو والكافر ما بيفرقشي. اي حاجة زي الانعام بالضبط الانعام بتاكل من اي ارض مش عارفة ارضها من ارض الجار. تاكل من اي مكان. اهو

كده الكافر زي كده ما تفرقش حلال وحرام ما تفرقش ابدا. اه - [00:04:36](#)

ما اغنى عنهم ما كانوا يمتعون بعدها بقى قوله تعالى وما اهلكنا من قرية الا لها منذرون ذكرى وما كنا ظالمين. ترشدنا الاية بقى اللي معنا دلوقتي وما اهلكنا من قرية الا لها منذرون - [00:04:52](#)

طب ايه المانع وما اهلكنا من فرض اللي له برضه ايه ها؟ ايوه. ممكن ربنا يدمر انسان مش لازم قرية يدمر واحد دمر واحد له منزر لهم انزر سمع الكلام ده كتير - [00:05:10](#)

سمعوا كتير ما هو ده منذرون يبقى فرض سورة الطلاق نتكلم عن رجل ومراته. اي رجل وامرأة زوج وزوجة ورب العزة يقول وكأين من قرية ايه اللي جاب القرية هنا - [00:05:25](#)

الايات سورة الطلاق ما بتتكلمش عن قرى بتتكلم عن ايه احكام طلاق زوج وزوجة ايه اللي جاب القرية؟ بيخوف الزوج. يعني ياما قرى اهلكت هتكون انت ايه جنبي ليه؟ ها؟ جنب القرى. وانت هتكوني ايه؟ كزوجة جنب القرى اللي ربنا ايه - [00:05:44](#)

ابقوا ركزوا فيها كده يا اخوانا اقروا سورة الطلاق وركزوا في الاية دي ازاي بتتكلم عن احكام الطلاق والرضاعة والنفقة وبعدين وكأين من قرية عنتت عن امر ربها ورسله. يبقى وكاين من زوج - [00:06:06](#)

لما تيجي تنزلها ولا ما تنزلش وكاين من زوجة مش كده وكأين من قرية. يبقى هنا وما اهلكنا من قرية. يبقى ترشدنا الاية ان رب العزة سبحانه وتعالى له العدل المطلق. فين بقى العدل المطلق - [00:06:24](#)

اني ما اهلك احدا الا ما اقام عليه الايه ها الحجة وارسلوا الرسل. وما كان ربك مهلك القرى حتى يبعث في امها رسولا رسولا يتلو عليهم اياتنا وما كنا مهلكي القرى الا واهلها - [00:06:41](#)

وليمون بسبب معاصيهم التذكير الاية ترشدنا ان التذكير بهلاك الظلمة لما ربنا يحكي لنا هلاكها للظلمة المقصود منها ايه؟ المقصود ان دي زكري لنا خلي بالكم لو اعتقوا في نفس الايه؟ الخطأ. اوعى تنزلقوا كمنزلقوا - [00:07:01](#)

ليه؟ اكفاركم خير من اولئكم ما فيش كافر احسن من كافر. وما فيش عاصي احسن من عاصي اصل انت طبعا هتقول انا ما لي ومال الكفار. ما فيش عاصي احسن من عاصي - [00:07:25](#)

كل العصاة زي بعض في ميزان رب العالمين سبحانه وتعالى. في الاخرة اه ماشي العاصي المسلم وغير العاصي الكافر اه ماشي. انما في الدنيا هنا المعاصي كلها زي بعضها اللي يعمل دية يعاقب نفسه. وما كنا ظالمين - [00:07:39](#)

يبقى وما اهلكنا من قرية الا لهبوا الذرون وما كنا ظالمين. وما وما؟ الماء دي معناها ايه؟ موصولة ولا نافية ولا ايه وما كنا ظالمين نافية ولا موصولة ها نافية - [00:07:55](#)

نافية الظلم من الصفات المحالة على الله وما كنا ظالمين وما كان ربك نسيا. تبقى الماء ايه برضو نفية بتنفي عنه الايه؟ النسيان سبحانه وتعالى. وما كنا ظالمين الظلم من الصفات المحرمة على الله - [00:08:14](#)

صفة بتسمى صفة سلبية يعني مستحيل مستحيل اصلا ربنا سبحانه وتعالى يوصف بها زيادة على كل هذا تأتي احاديس وتأتي ايات تؤكد عدم الزلم ان ربنا سبحانه وتعالى ما يزلم في الحديس القدسي يا عبادي اني حرمت الظلم على نفسي - [00:08:36](#)

وجعلته بينكم ايه؟ محرما فلا تظالموا فلا تظالموا. يا عبادي كلكم ضال الى اخر الحديث يبقى وما كنا مهلكين وما اهلكنا من قرية الا لها منذرون ذكرى وما كنا ظالمين - [00:08:55](#)

برضو كمان ما نفي كمان اهو. وما تنزلت به الشياطين. ما دي برضو معناها ايه؟ هم. تنفي وما تنزلت به الشياطين. وما ينبغي نفي ايضا وما ينبغي لهم وما يستطيعون - [00:09:15](#)

انهم عن السمع لمعزولون. الاية دي بتنفي ايه بقى وما تنزلت به الشياطين. تنفي الاية اي دور للشياطين مع القرآن عشان نطمئن كده. يا ترى الكتب الثانية للشياطين معها لها دور معها الكتب؟ ايوه - [00:09:35](#)

هو التحريف مش ده من شغل الشياطين شياطين الانس والجن يوحي بعضهم الى بعض تحريف اللي في التوراة واللي في الانجيل والقص واللزق وشيل النص ده وحط النص ده وشيل النص ده خالص وما تحطش بداله حاجة - [00:09:56](#)

ها ما هو كل ده شغل الشياطين اما القرآن لا. وما تنزلت بهش ما لهمش اي دور معهم. لا نزلوا ولا حتى كمان مسلا هنقول لك ايه كانوا بيحرسوه وهو نازل - [00:10:13](#)

اهو جبريل نازل ومعه قرآن وكده كان بس ينزلوا معه حراسة او ينزلوا معه تشریف ابدأ. ما لهمش اي احتكاك بالقرآن اي شكل وما تنزلت به الايه؟ الشياطين بروتين في اكثر واكثر. وما ينبغي لهم. يعني ايه وما ينبغي؟ يعني محال عليهم اصلا. محال محال -

[00:10:30](#)

شرعا وقدرنا محظور شرعا وقدرنا ما يضرش جناحه القرآن ابدأ وما ينبغي لهم واخذ بالك من قوله تعالى في سورة مريم وما ينبغي للرحمن ان يتخذ ايه ها ولد يعني ايه - [00:10:52](#)

محال على الله ان يتخذ نفس الكلام. وما ينبغي لهم يعني محال على الشياطين. تركيبتهما ما تنفعلش ما تعرفش تنزل بقرآن ما يعرفوش يجيبوا قرآن لأ طب ليه برضو لانه كدايين - [00:11:15](#)

الطبع الاساسي فيهم الكذب وهم مش مخلوقين لكده اصلا يعني الشياطين مش مخلوقة للقرآن اصلا ان هم يتنزلوا به ويحملوه ويبلغوه. لا لأ ما كده هم لم يخلقوا لهذا اساسا - [00:11:33](#)

صفتهم ما تسمحش الكذب عندهم اكثر من الصدق. زي حديس ابي هريرة مش كده لما كان الشيطان بيأخذ من الايه؟ من صدقة الفطر صدقة الفطر وهنا الرسول عليه الصلاة والسلام بيقول لابي هريرة ايه - [00:11:49](#)

بيقول له صدقك وهو ايه؟ كذوب. هل تدري من يكلمك يا ابا هريرة؟ قال ذاك الشيطان شيطان. صدق وهو ايه؟ كذوب. وضعه الطبيعي بتاعه بيكذب. فازاي هيتحملوا قرآن ويبلغوه للناس؟ هيضيفوا عليه حاجات كتير جدا. وزى ما هنشوف بعد كده -

[00:12:05](#)

كده الايات بتقول هل انبئكم على من تنزلوا الايه ومش هينزلوا على الناس الامينة بينزلوا على ناس معينة ده الشياطين يعني. اوعى هيجي برضه في خاطر عندك ايه طب الجن المؤمن دي قصة تانية - [00:12:25](#)

يعني هنبقى نبينها شوية وما تنزلت به الشياطين وما ينبغي لهم وما يستطيعون. وما ما يقدروش اصلا ما اللي عندهمش طاقة ليه؟ القرآن حمل انا سنلقي عليك قولا ثقيلًا. يتحملوه ازاي؟ ما يقدروش يتحملوه - [00:12:40](#)

قول السقيل ما يستطيعوا ان يتحملوه انهم زيادة عن ذلك بقى انهم عن السمع لمعزولون عن السمع لمعزولون يعني التركيب بتاعتهم لا تسمح بتحمل القرآن تركيبتهما لا تسمح باداء القرآن - [00:13:02](#)

فضلا عن كل هذا ممنوعين يبقى فيه ملايكة مش معزولة ان كان جبريل ينظر في لوحه المحفوظ بينزر طيب يسمع من رب العالمين يسمع كل ده وارد انما دول ليقدروا ينظروا في اللوح المحفوظ - [00:13:27](#)

ولا بايه؟ بيسمعوا انهم عن السمع لمعزولون سامع ايه؟ سمعي اللي فوق انما اللي تحت يسمعوا ويتجسسوا ويتلصصوا كده هنا هنا انهم عن السمع السمعي للي في الملاء الاعلى فوق معزولون. مش خش جوة السماوات وينزر في اللوح المحفوظ او ينزر في بيت العزة

ويجب حاجة من - [00:13:47](#)

وينزل لا لا لا ده مجرد بس ان يسمع اخبار ومش في السما كمان ده في الغيان زي ما هنشوف دلوقتي في الغيان مش في السما سما اللي هي سما - [00:14:14](#)

انما قريب منها اعلى اماكن ممكنة يعني ولزلك يقول رب العزة ولقد زينا السماء الدنيا ايه؟ دي مصابيح وجعلناها رجوما للايه؟ طب هيترجموا ليه؟ هم عملوا ايه غلط؟ رايعين يتجسسوا - [00:14:23](#)

عاوز يسمع حاجة عايز اشوف حاجة من اللي فوق عشان يعمل بها عشان يعمل بها شغل تحت يجب فوق حاجة من فوق يوصلها تحت يعمل بها ياكل بها عيش ياكل بقى عيش تحت - [00:14:41](#)

مش ياكل عيش المفهوم بتاعنا لأ. ياكل عيش يعني يفتن. يضل. يضل ولزلك في سورة الجن نفسها وانا كنا نقعد منها مقاعد للسمع. مقاعد للسمع للسمع كل همهم السمع فمن يستمع الان يبقى كنا في الماضي - [00:14:54](#)

سابقا كنا بنعمل كده ايام موسى و ايام عيسى و ايام داوود و ايام الانبياء كلها كنا بنقعد منها مقاعد للساعة نجيب اي كلمة نعرف
نخطفها نخطفها فمن يستمع الان يبقى هنا برضه عشان ايه وما ينبغي لهم - [00:15:15](#)

اه القرآن بقى وما تنزلت به. اه ما جابوش ولا كلمة من القرآن ابدأ. اه كنا نقعد منها مقاعد للسمع فمن يستحي الآن يجد له شهابا رسدا
وانا لا ندري شف التأكيده كمان لا ندري الشر الاريده بمن في الارض - [00:15:33](#)

ام اراد بهم ربهم ايه مع ان اللي في الارض لما كنا عاوزين يعرفوا الرشد يروحوا يسألوا مين؟ خدام الشياطين. وانا لله وانا اليه
راجعون واضح وما تنزلت به الشياطين - [00:15:54](#)

وما ينبغي لهم وما يستطيعون. انهم عن السمع لمعزولون فلا تدعو مع الله الها اخر فتكون من المعذبين تدعو ما قلش تعبد مع ان
الدعاء ايه الدعاء ايه يا اخوانا؟ بنص حديث الرسول عليه الصلاة والسلام الدعاء عبادة - [00:16:10](#)

الدعاء عبادة الدعاء هو الطلب الطلب من الله ولا يكون الطلب الا من مين؟ من الله الا من الله والدعاء بنص الحديث عبادة فلو
دعوت غير الله تبقى عبدت ايه؟ غير الله - [00:16:33](#)

وهيحصل لك ايه ومن يدعو مع الله فلا تدعوا مع الله الها اخر فتكون ايه؟ من المعذبين. فلا تدعوا مع الله الها اخر. هنا ما فيش
مجاملة. ده الخطاب لمين؟ للرسول. وهل الرسول دعا - [00:16:52](#)

والله الها اخر مستحيل مستحيل دي اصلا. طب امال ايه لازمته الخطاب للرسول ليه؟ لان شخص الرسول ده اعزم شخص. اذا كان
رب العالمين لم يجامل رسوله ولو ودعا معه الها اخر عذبه. عذبه. يبقى اللي اقل من الرسول عليه الصلاة والسلام. لو دعا مع الله اله
اخر. هيعمل فيه ايه؟ هي - [00:17:08](#)

يعني يرحمه اذا كان هيعذب رسوله لو وطبعا ده من الشرط المحال من الشرط المحال فلا تدعو مع الله الها اخر فتكون. ده محال اصلا
ما يتحققش. ومش كل الشرط يتحقق زي الاية الثانية برضو اللي فيها ايه - [00:17:31](#)

لان اشركت ليحبطن عملك. ما تحققش فلا تدعو مع الله الها اخر فتكون من المعذبين وانذر عشيرتك الاقربين اللهم ارزقنا بركة هذه
الاية وارزقنا ننفذ هذه الاية وكل آيات القرآن - [00:17:50](#)

بس دي بالزات مهمة اوي كله نومه طبعا بس دي مهمة قوي انذر عشيرتك الاقربين كل واحد فينا يا اخوانا منذر صح ولا مش صح؟
ومصلح بس يا ريت كل واحد فينا يبدأ زي الاية ما بتقول كده - [00:18:11](#)

تبدأ بمين ها العشيرة يبقى على المصلح والداعية ان يبدأ دعوته باهله وعشيرته. لتلقى دعوته قبولاً عند الناس. يبدأ الاول من العشيرة
والداعية ايا كان رسول وغيره لا يملك لعشيرته شيئا - [00:18:32](#)

هو يعمل اللي عليه بس. وهم العشيرة بتوعه يعني في عداد من ينذرهم ينذر الكل منهم عشيرة سيدنا الرسول عليه الصلاة والسلام
اول من نفز هذه الاية على وجهها سيدنا عبدالله بن عباس يقول ايه؟ لما نزلت وانذر عشيرتك الاقربين - [00:18:57](#)

عليه الصلاة والسلام الصورة مكية والاية مكية. عمل ايه الرسول عليه الصلاة والسلام؟ صعد على الصفا صعد عن الصفا. طلع على
جبل الصفا عارفين نومة الصفا مش كده جابوا له الصفا - [00:19:18](#)

ها لو انت وقفت عليه ما نبصش للشمال لان الشمال صحن الكعبة. بص لناحية اليمين. هتلاقي بقى كت بيوت مكة هنا كده كنت واقف
على الصفا تبقى شايفها كلها فجعل ينادي الصوت باين والجبل عالي والبيوت تحت بيوت بسيطة كده ينادي - [00:19:35](#)

فجعل ينادي بني فهر باعلى صوته صلى الله عليه وسلم ياباني عادي لبطون ناس في قريش يعني حتى اجتمعوا كله اتجمع. عند
الصوت وشوفوا ايه الموضوع واللي ما مش قادر يخرج حتى فجعل الرجل اذا لم يستطع ان يخرج لسبب او لآخر - [00:19:59](#)

ارسل رسولا انسان يعني بينزر ما هو ايه اللي بينادي ده؟ روحوا شوفوا ايه ان جه بنفسه يبجي مش قادر يبجي بيعت ايه يرسل
احدا حدد تبعه يعني. لينزر ما هو. فجاء ابو لهب وقريش. ابو لهب كان موجود وجه مع اللي جه وقريش - [00:20:24](#)

بعد ما اتجمعوا بقى كلام منطقي كلام عقلي يقول لهم ارايتم ارايتمكم لو اخبرتمكم ان خيلا بالوادي ورهي عليه كده تريد ان تغير عليكم
اكنتم مصدقين في حرب في ناس جاية تهجم عليك وتاخذ نساكنم وتاخذ اموالكم - [00:20:46](#)

فدي كانت حياة الحياة الجزيرة. حياة البادية في الوقت ده كله اكنتم مصدقين. طب يعني ايه يعني هتاخدوا حسابكم وتقفوا
وتسلحوا نفسكم كده يعني. قالوا نعم ايوة هنصدقك طالما في حد جاي يخرب بيتنا - [00:21:10](#)
هنقف وهنصدقك من جربنا عليك ايه ها؟ الا صدقا. يا سلام! لا والله وما جربتوليش ان اللي صادق معكم؟ اه طيب طب خدوا دي بقى
فاني نذير لكم بين يدي عذاب شديد - [00:21:27](#)
اه امال فين الجيش فين الناس اللي جاية تغير علينا يبقى الصدق برضو ولا مش صدق مش كده؟ ما اوعى واحد يقول لك الله! طب
هم كانوا بيقلوا لهم انا لو قلت لكم ان فيه جيش جاي يهجم عليكم - [00:21:45](#)
وانتم هتصدقوني. قالوا اه كنا هنصدقك. طب انا نذير فين الجيش بقى ها فين الجيش ده جيوش جيوش جايوة سورة
الاسراء رب العزة يقول لابليس ايه واستفز من استطعت منه بصوتك - [00:22:04](#)
واجلب عليهم وراجلك وشاركهم في الامر وشاركهم في الاموال والاولاد وعدهم ده جيش ولا مش جيش ده جيوش مش هتخلص
مش كده؟ هو ابليس هيبطل خلفه كل دقيقة بيجيش الجيوش - [00:22:30](#)
وصول مش بس كان بيقل لهم آآ هقول لكم جيش وما طلعتش جيش لأ ده طلعت جيش وانا نذير واخوفكم بين يدي عذاب شديد
الناس دايم يا اخواننا بتبص تحت رجليها. ده ان كانت بتنزر تحت رجليها ده فيه ما بينظروش خالص - [00:22:52](#)
ابو لهب من ضمن الناس دي وزينا ناس زي ناس كتير مننا كده فقال ابو لهب تبا لك سائلا. ليه تبا ليه يعني؟ هو ايه عمل ايه غلط ما
هو كل كلامه صح. وفيه جيوش هتهجم عليكم - [00:23:10](#)
وهدخلكم النار الهذا جمعتنا؟ انت مجمعنا عشان تقول ان دي ايوة دي شيل شوية ولا ايه؟ ما هيش شوية تبا لك لا اله الا الله سيدنا
محمد رسول الله تبا لك - [00:23:26](#)
طب اسكت مش كده ولا ايه؟ اسكت زي اللي سكتوا. هو ما فيش حد اتكلم الا هو ما حدش يتكلم الا هو يعني ابو لهب ده مش
هيموت والله ما هو ميت - [00:23:43](#)
تلاقي دايم يطلع لك في كل حته ايه اه يصد عن اي حاجة يطلع لك واحد كده تبا لك. الهذا جمعتنا فنزلت شف بقى الايتين بينهم
الاحداس دي وانذر عشيرتك الاقربين تبت يدا. دي نزلت الرسول بينفز - [00:23:58](#)
طلعت السورة تخيل معي الموقف عاوزك تعيش الحته دي وانذر عشيرتك. الرسول بيطبق. تنزل تبت يداه يبقى عندنا اية واه
وصورة اية وصورة بينهم ايه منهم تنفيذ النبي عليه الصلاة والسلام وهو ينزر الايه - [00:24:24](#)
العشيرة ايه فاصدع بما تؤمر. لأ ده كانوا اعلنوا عن المشركين اصدع بما تؤمر واعرض عن المشركين. لأ دي بس هي الوحيدة وانذر
عشيرتك الاقربين هنا بس اه لأ انزل عشيرتك اللي هي دي. ده التنفيذ. انما الصدع على طول بقى - [00:24:49](#)
اي صور قبل وبعده كله اصل فاصدع بما تؤمر دي يعني ايه ما تسكتش اصدع الصدع يعني ايه في صف او في جدار او في جدار
هي غالبا بتبقى يعني التمسيل الحرفي لها - [00:25:16](#)
او المد لها ان في جدار بتعمل فيه صدع بتكسره ده الصدع اعلن ماشي تمام تمام سر وجهر. اه اللي انت بتؤمر به فيه صف في
الشرك ماسك كتلة واحد اكسره - [00:25:36](#)
اصنع افلق الصف ده بما تؤمر واعرض عن المشركين. مش هيقدرنا يعملوا لك حاجة يعني دي حاجة ودي اما دي انزل عشيرتك هي
دينا بس وينذر عشيرتك الاقربين برضو ورد فيها - [00:25:58](#)
حديث اخر لما الرسول عليه الصلاة والسلام نزل اية قال ايه يا معشر قريش او كلمة نحوها اشتروا انفسكم يعني خلصوا نفسكم
يعني اشتروا انفسكم لا اغني عنكم من الله شيئا - [00:26:16](#)
لا اله الا الله. يا بني عبد مناف لا اغني عنكم من الله شيئا. يا عباس بن عبدالمطلب لا اغني عنك من الله شيئا. ويا صفية عمة رسول
الله لا اغني عنك من الله شيئا - [00:26:36](#)
ويا فاطمة بنت رسول الله سليمان ما شئت من مالي لا اغني عنك من الله شيئا عملية حقنة وفي منتهى الخطورة والله وانذر عشيرتك

الاقربين السيدة فاطمة يقول عنها الرسول عليه الصلاة والسلام بضع مني حنة مني. وبيقول لها لا اغني عنك من الله شيئا. ايوا -

[00:26:50](#)

معقول البلاغ اللي انت هتبلغه والدعوة والتعب اللي هتتعبه ما يستفيدوش منه حاجة؟ ما يستفيدوش منه حاجة مش كده ولا ايه؟

يعني يا اخي ده الواحد لما بيشتغل ويسافر برة وبتاع ومش عارف ايه. اول ناس تستفيد من جريه وتعبه مين - [00:27:15](#)

ولادو بيبي لهم ويجوزهم ويعلمهم مش كده ولا ايه! طب ما دي دعوة شغل الرسول عليه الصلاة والسلام وتعبه يعني ولادهم

يستافدوش منه خشوش الجنة يخشوا الجنة. ما يشتغلوش يدخلوا الجنة. اكراما له صلى الله عليه وسلم. نفص ايده خالص كده؟

[00:27:37](#) - ايوة

لان الجنة مش بتاعته والجنة ما بتدخلش بالانساب الجنة بتدخل بالعمل الناس بتدخلها بالعمل مش بالانساب. لو بالانساب كانت الدنيا

آ لا بالعمل لو بالانساب الناس تنظلم واحد زبلال ما هو ما لوش نسب - [00:28:03](#)

وتعب بس انت وانت مين انت؟ انا بلال انت جاي هنا ليه لن تقول شي ولن تهاشمي ولا انت ابن النبي ولا ابن خاله ولا ابن عمه صح

ولا مش صح؟ لو بالانساب الناس تنظلم - [00:28:22](#)

فعلا تنظلم انما بالعمل انه يقول لهم لا اغني عنك! ايوة عملية خطيرة جدا لا اغني عنك ونوح نفس الكلام. يقول لابنه كده يقول يقول

لربه سبحانه وتعالى والا تغفر لي - [00:28:38](#)

وترحمي اكن من الخاسرين. طب هتخسر ايه؟ هو كان بيتاجر والبضاعة هتضيع هي فلوسه هتتأمم ولا كان هيخسر ايه؟ فكر كده

في الخسارة اللي كانت هتلق سيدنا نوح ها - [00:28:56](#)

والا تغفر لي وترحمي اكن من الخاسرين كان هيخسر ايه ها اكسر الدعوة السنين اللي تعب فيها تسعمية وخمسين سنة تعب

هيروحو عليه لو حصل ايه؟ لو ربنا ما غفرلوش ورحمه - [00:29:12](#)

عشان طلب طلبا ليس في محله ان ابني من اهلي وان وعدك الحق وانت ارحم وانت احكم الحاكمين. قال انه ايه شوف تخيل

المسألة يا اخوانا عاوزه شغل اه ما تفرحليش بقى انك مسلم والرسول هيشفع لك وكزا لا لا لا. كل ده شغل برضه - [00:29:30](#)

لان هيشفع لك بمزاجه ولا بعد اذن بعد اذنك واذن له هو واذن لك انت. يعني في اذنين اتنين في الشفاعة الشفاعة دي يلزمها اذنين

اتنين اذن الرسول ان جه عليك الدور. اشفع بقى لفلان. يبقى اذا الرسول فيك واذن للزمن - [00:29:52](#)

بتاعك انت. ما هو ممكن فلان وفلان وفلان قبليك فالمسألة مسألة يحتاج الى ايه تحقيق وجهه وتعب فالاية ايضا ترشدنا وانذر

عشيرتك الاقربين ان الانساب لا تنفع وانما ينفع العمل. واكد النبي عليه الصلاة والسلام ذلك لفاطمة بالحديس اللي احنا زكرناه -

[00:30:15](#)

وانذر عشيرتك الاقربين واخفض جناحك لمن اتبعك من المؤمنين. عليه الصلاة والسلام واخفض جناحك جناح دي مأخوذة من جناح

الطير اي واحد فينا له جناحان زي الطور كده. طب اخفضهم يعني ايه - [00:30:42](#)

المفروض يعني خليك متواضع ما تنفشمش ما تتعلقش خليك متواضع خدنا تحت جناحك بس مش خدنا زي جناحك بتوع الصوفية

على جناح بس كان زمان بياخد جنيحة كان بيطيرو وما عدش حد بيطيرو مش كده ولا لا لما اموت دلوقتي ما حدش حد بيطيرو. اتلغى

ها بطلوا يطيروا - [00:31:06](#)

اه ما عدش بقى حاجات تانية بتطيرو زي الكاميرات اللي بتصور دي وبتاع كده ما بقتش بقى بشيخة ولا ولاية بقى كنا في مرة في

حفلة ده قريب كده في حفلة تكريم حفزة قرآن - [00:31:31](#)

لقيت الكاميرا عمالة ويحركوها زي اللي كنا بنشوفها في عرفة قلت يا ربي هنا كمان بقت في الفلاحين اعمل لي هايصة خالص

والكاميرا راحة جاية تصور يطلعها يعليها ويوطيها ما بقتش بقى ايه - [00:31:46](#)

فديت لو كده كان قال لك ديت الكاميرا دية بالاولياء الصالحين ما هو ما انتاش شايف حد راكيبها والراجل عمال قاعد الكاميرا دي من

الاولياء الصالحين المهم وقف جناحك لمن اتبعك من المؤمنين. الاية دي عظيمة قوي يا اخوان. كل قرآن عظيم بس احنا - [00:32:02](#)

لما ربنا ببرزقنا حلاوته بنستشعر الحلاوة لما كل لسة ما انش الاوان اهو بنقراها وخلص فيها تواضع واخفض جناحك لولي الامر والقائد لاي مجموعة اي مجموعة عمال مجموعة فنيين - [00:32:20](#)

مجموعة اطباء مجموعة مدرسين اي قائد لاي مجموعة يعمل ايه ها يخفض جناحه له رئيس دولة يخفض جناحه. محافظ يخفض جناحه كبير كبير اي قوم في اي حاجة يخفي جناحه. يعني يعمل ايه؟ يتواضع له - [00:32:46](#)

طب ليه؟ عشان يكسب محبته وتدوم ما هو ممكن يكسبها النهاردة وما يلاقهاش بكرة. لأ تدوم يعمل ايه؟ يخفض جناحه كل واحد اب يخفض جناحه عيلة اب وزوجة وتلت اربع اولاد - [00:33:05](#)

يخفض جناحه. العيلة بتاعته اخوه واخوه واخوه خمسة ستة اخوات سبعة صبيان وبنات. ولهم زرية. بقى هو كبيرهم بقى يعمل ايه ها يخفض جناحه واخفض جناحك اخفض مهم اوي اوي - [00:33:27](#)

ولذلك شف رب العالمين يقول في موقف ال عمران فيما رحمة من الله؟ ها؟ لنت لهم ياه انت لين وحلو للمؤمنين ليه كده فيما رحمة قال بسبب الرحمة اللي من الله لنت للمؤمنين. ولو كنت فظا غليظ القلب. مش هتخفض بقى - [00:33:46](#)

مش هتخفض. هنكلمك بالقطارة وهنكلمك على بعد صح ولا مش صح؟ يبقى عمرنا ما هنعجبك ابو مين اللي يقرب منك ده اللي هيقرب منك هنشيله من على وش الارض يبقى ما حدش هيرغب - [00:34:07](#)

مش هنعجبك عاوزين نخفق جناحنا والمحبة تدوم هدوء ولو كنت فظا غليظا مريض القلب فهنا خفض ان انا اعمل حاجة كبيرة اوي اوي واراد بقى ان المجموعة اللي انا اللي تحت قيادتي - [00:34:23](#)

المجموعة اللي تحت قيادة المحافظة المركز القرية العيلة. اي حد تحت البلد كلها اللي تحت قيادتي دي ها واراد يحصل منهم غلط مش هيبقوا كلهم انبيا. يحصل حاجة غلط. منهم - [00:34:47](#)

فيقوم رب العزة يقول له ايه؟ فان عصوك الله مش شنقهم ولا اتبرأ منهم اومال يعمل ايه؟ فان عصوك وقل اني بريء وارجعوه ولا مش واراد؟ مع انه خافض الياه - [00:35:03](#)

خفض الجناح يعصوه واراد يعصوه اللي هو مين برضه؟ ارجع لسيدنا النبي عليه الصلاة والسلام. فان عصوك فقل اني بريء مما تعملون هو مين اللي عصى اللي خفض الجناح له اللي هم المؤمنين - [00:35:21](#)

يبقى ممنوع يتبرأ من مين من المؤمنين ممنوع اومال اتبرأ من مين؟ من المشركين والكافرين بس طب ما ممكن المشركين يعصوه بنفس المعصية. اللي عصاه بها المؤمنون. ممكن ممكن لكن لا - [00:35:40](#)

المشرك حاجة والمؤمن ايه؟ حاجة تانية خالص فقال فان عصوك يقول اني بريء مما مهم قوي يا اخواننا تركزوا على الحنة دي اوي والله العظيم لان فيه شباب ملتزم جدع ومش عاوز اقول لك ما بي فهمش حاجة في اي حاجة - [00:36:01](#)

ما بي فهمش حاجة في اي حاجة وحمل على الدعوة وسبة وقرف لما يلاقي اخ له مسلم بيصلي الى قبلته وبيصوم الشهر وكل حاجة كل حاجة قالوا ايه اختلف معه في قضية - [00:36:22](#)

خلص ما يلقيش عليه السلام. تبرأ منه تبرأ منه. اعوز بالله. يا راجل يا راجل خلي عندك حبة دم ما هو انا اقول لك ما هو خلي عندك فقه ما فيش فقه اصلا ما فيش فقه - [00:36:44](#)

ولا اعرف ناس بالاسم كانوا يحضروا معنا دروس علم زي كده وما اعرفش راح فين ولا جه مينين يقول الحمد لله اللي ربنا هداني انت كنت في ايه يعني بطل يحضر ايه؟ دروس العلم بتاعتنا دي. يحضر لناس تانية بقى - [00:37:02](#)

مهم اوي فان عصوك يقول اني بريء البراءة من المؤمن والبراءة من خطأ المؤمن فرق كبير جدا لما يكون فيه علم وفقه تعرف تتبرأ من ايه وما تتبرأش من ايه - [00:37:24](#)

المؤمن مؤمن يا اخوانا. المؤمن مؤمن انما المؤمنون اخوة لا ما فيش براءة من مؤمن ابدأ ابدأ انما في براءة من اخطائه. زي الاية اللي اتقالت كده بالزبط لما اشوف البراءة المشركين في سورة التوبة واذا ان الله ورسوله الى الناس يوم الحج الاكبر. ان الله -

بريء من مين من المشركين ورسوله. رسوله راخر ايه ها؟ بريء من المشركين. يبقى المرأة من مين من المشركين. ومكان استغفار

ابراهيم لابيها الا عن موعدة وعدھا اياه. فلما تبين له انه عدو لله - [00:38:07](#)

تبرأ من مين من ابيه يبقى التبرؤ من ذوات المشركين ومعاصي المشركين. الاتنين. يعني تتدراً بالمشرك ومعصية المشرك اما

المؤمن لا نتبرأ منه ابدأ. مهما يعمل من تبر بي من خطأي - [00:38:28](#)

الخطأ بتاعه نتبرأ منه ونقول لا احنا مش معك في دي ابدأ. احنا مش معك خالص في اللي انت بتعمله ده. نتبرأ من خطأه فان عصوك

فقل اني بريء مما - [00:38:49](#)

تعمل وهنا سيدنا رسول الله صلى الله عليه وسلم بيضرب لنا يعني مسال واضح جدا في المسألة عملي عملي عمل ايه؟ صلوات الله

وسلامه عليه. سيدنا خالد الرسول بعته في سرية - [00:39:04](#)

ارسلوا في سرية الى بني جزيمة يدعوهم للاسلام فدعوهم فقالوا صبأنا صبأنا صبأنا هم لغتهم كعرب يعني تركنا دينا ودخلنا دينا اخر

يعني سبنا الشرك ودخلنا فين؟ في الاسلام مفهومهم كده - [00:39:25](#)

وكلام واضح ما فيش اي مشكلة ابدأ سيدنا خالد قتلهم واسرهم وكل واحد ادى له اسيره. وبعدين امرهم بالقتل. قال لهم اقتلوه طبعاً

ورفضوا وقالوا احنا لما نرجع للرسول نسأله شف هنعمل ايه - [00:39:52](#)

فعلاً لما رجعوا للرسول صلى الله عليه وسلم قال لهم ايه بقى الرسول قام ورفع يديه وقال اللهم اني ابرأ اليك مما صنع خالد الله خالد

الرسول مدي له لقب ايه ها - [00:40:21](#)

سيف الله. مدي له اللقب ده بس خالد قتل ناس خطأ ودي مدي مصيبة لان هم ما احسنوش القول طبقنا حسب مفهومهم ان احنا

تركنا الشرك ودخلنا الياه حسب مفهوم خالد ان هم كده ايه - [00:40:40](#)

اه يعني ما على شركهم يعني فلما قتلهم وجه الرسول عليه الصلاة والسلام الله اللهم اني ابرأ اليك مما ايه؟ مما صنع خالد يبقى

البراءة نتبرأ من مين يا اخوانا؟ ها من من اخطاء المؤمنين - [00:41:03](#)

انما المؤمن لأ. ما نتبرأش منه ابدأ. مش ما نلقبش عليه السلام وناخذ جنب منه. وياه ونهار موته ولا نمشي في جنازته ما شاء الله

شوية حمقى حمقى الشباب شباب يعني سبة وعار في جبين الامة - [00:41:26](#)

ما يحضرش في جنازته ما يعرفوش. ليه؟ اصل كان مبتدع كم من خوارج! خوارج انت عارف يعني ايه خوارج اصلاً انا لله وانا اليه

راجعون. فان عصوك فقل ايه - [00:41:45](#)

اني بريء مما تعملون وتوكل على العزيز الرحيم الذي يراك حين تقوم توكل على العزيز الرحيم الذي يراك حين وتقلبك في السجود.

يراك حين تقوم يعني مين ما تتحرك؟ طب وحين تقعد يراك ولا لا يراك - [00:42:02](#)

يراك حين تقوم وتتحرك وتدخل وتخرج توكل على العزيز الرحيم الذي يراك حين تقوم وتقلبك في الساجدين تقلب الرسول عليه

الصلاة والسلام في الساجدين وتوكل على العزيز الرحيم الاسمين دول طبعاً متكررين معنا في الياه - [00:42:27](#)

الصورة كلها. عزيز ورحيم عزيز لا يغالب وعزيز ليس بحاجة الى عبادتكم ورحيم بكم رغم ما فيكم هو رحيم بكم الذي يراك حين

تقوم. الذي دي بدل من العزيز الرحيم - [00:42:52](#)

العزيز الرحيم الذي يراك. يبقى بدل منها يعني. يراك حين تقوم وتقلبك في الساجدين. يبقى حين تقوم وحين تقعد وحين ترقد لكن

هنا تقوم بان هي القيام معناه الحركة الكثيرة غير القعود يعني في اي حال انت فيه رب العزة - [00:43:13](#)

وتقلبك في الساجدين في الصلاة سواء منفرداً او في جماعة وفي معنى اخر للتقلبك في الساجدين قالوا نسيبنا النبي طبعاً يعني شف

بقي جاي منين والجدود الاجداد الكبار الساجدين مش غير الساجدين - [00:43:35](#)

واضح ولا ايه؟ يعني سيدنا ابراهيم سيدنا اسماعيل ساجديه ساجدين انما مسلاً المشرقة عبدالمطلب مسلاً ما كانش من الساجدين.

بس النبي عليه الصلاة والسلام عمال يتقلب في الاصوات اصلاب ساجدين الساجدين - [00:44:01](#)

والله يعلم اني هيطلع هيطلع من هزه الزرية كده يعني وتقلبك في الساجدين. انه هو الياه السميع العليم هل انبئكم على من تنزلوا

الشياطين الله. يبقى مين اللي هينبنا ها - [00:44:21](#)

ايه اللي خلق مين زي يستفتونك في النساء قل الله يفتيكم فيهن يبقى لما نكون عاوزين فتوى صحفي النساء نسأل مين نسأل رب العالمين. يعني ايه برضو؟ يعني جايها من القرآن والسنة. هو اللي هيدونا الفتوى الايه - [00:44:40](#)

الصح يستفتونك في النساء قل الله يفتيكم فيهم يبقى النساء لو عاوزة فتوى صح ما تسألش الا الكتاب والسنة واللي بيتكلم بالكتاب والسنة بس. لو عاوزة واللي عاوز بقى من الرجال فتوى في حق النساء صح نفس الكلام. فهنا هل انبئكم على من تنزل الشيطان؟ نبنا يا رب سبحان الله - [00:45:02](#)

العالمين اه تنزلوا ومش تنزل يبقى مرة في السنة مرة في العمر زي الحاج كده مرة في العمر تنزلوا دي ابغ من ايه وتنزل تفيد كسرة الايه النزول بتنزل على مين؟ على كل افاك ائيم. ايه بقى؟ كثير الكذب وائيم، كسير المعاصي - [00:45:33](#)

افيم ائيم ائيم. مش ائيم! لأ ائيم وافاد كذاب ومعاصيه كتير جدا. تقوم دايم الشياطين ايه ها اصل في مصطلح عند الناس او مفهوم عند الناس يقول لك ايه؟ والشيطان ما بيروحش القهوة. ده بيروح المسجد. بتسمع بقولة دي ولا ما بتسمعش - [00:46:03](#)

هو يروح القهوة ليه؟ او ما بيروحش الخمارة. لا بيروح المسجد. لأ بيروح اللاتين هي يروح لاتنين نروح اللاتين بس اكثر نزوله في الاماكن دي عندي الافاكين الاثمين بينزلوا؟ ايوة. عشان يستخدمهم بقى في اغراض كثيرة - [00:46:24](#)

هل انبئكم على من تنزلوا الشياطين؟ تنزلوا على كل افاك اسيم اولاً مجموعة الايات دي بتسبب لنا حاجة وبتنفي حاجة. بتسبب ايه طب بتنفي ايه؟ بتنفي الاول ان القرآن لما الرسول ما فتعلوش ولا حاجة - [00:46:44](#)

ما جابوش من عنده في المسألة دي خالص اني وما فيش علاقة له بالشياطين وتسبب اني الشياطين بتنزل على مين؟ ما بتجيش ناحية مين ها ما بتجيش ناحية الرسول - [00:47:03](#)

ما بتجيش ناحية الرسول. انما بتروح فين؟ عند كل افاك ائيم حتى هو لما صرح في الحديث وقال ان كل واحد معه قرين قالوا له حتى انت؟ قال حتى انا الا ايه - [00:47:24](#)

الا ان الله اعاني عليه فاسلم فاسلم. يبقى هنا هل انبئكم على من تنزل الشياطين؟ تنزلوا على كل افاك ائيم. يعملوا معهم ايه بقى يلقون السمع واكثرهم ايه كاذبون احنا كان لسه معنا قبل كده بنتكلم عن ايه - [00:47:38](#)

وما تنزلت به الايه هنا بينزلوا وبيلقوا حاجات بس ما لهاش علاقة بالايه ها بالقرآن خالص ما لهاش علاقة بالايه؟ بالقرآن يبقى وما تنزلت به الشياطين وبعدين هل انبئكم على من تنزلوا الايه - [00:48:01](#)

انتم سرعتم ولا ولا معي وما تنزلت به هل انبئكم على من تنزل يبقى هي بتنزل ولا ما بتنزلش طيب بتنزل بقرآن ولا ما بتنزلش بقرآن؟ لأ او مال بتنزل بايه؟ بحاجات تانية - [00:48:23](#)

وما تنزلت به هل انبئكم على من تنزل بتنزل بقى على الافاك الاثيم وعلى اللي بيخدم الشياطين واللي بيتعامل معهم. بيعمل لهم ايه بقى؟ يلقون السمع. يلقون يلقوا سامع جابوه منين؟ زي ما سيدنا النبي قال كده - [00:48:42](#)

قال ايه بقى قال صلى الله عليه وسلم فيما روته عائشة وغيرها سأل اناس النبي صلى الله عليه وسلم عن الكهان الكاهن اللي هو ايه؟ اللي بيتحدث بالامور الغيبية احنا بيقولوا عليه المتنبأ ولا بيقولوا عليه دلوقتي في - [00:49:03](#)

العالم العالم الصحافة الحديث ده بيقولوا عليهم ولهم اسم دلوقتي ها ايه؟ منى لا لهم اسم ثاني في الاحاديث كذب المنجمون لانهم اسم. هيجي ان شاء الله دلوقتي. المهم هل انبئكم على من تنزل الشياطين تنزل الافاك القسيم ده هم دول بقى اللي بينزلوا عليهم - [00:49:27](#)

سئل النبي عليه الصلاة والسلام في زمانه عن الكهان يا رسول الله ايه موقف ايه الكهان دول اللي بيقعد يبص للنجوم ويديك اخبار وتطلع فيها حاجة صح تطلع فيها حاجة صح. اه هم دول بقى - [00:49:52](#)

فبيسألوه عن الكهان. ايه الكهان دول يعني؟ قال ها واديها وحاجة منهم دي حاجة منهم فقال انهم ليسوا بالشئ. الكهان دول ولا حاجة ولا ولا تلتفت اليهم ابدًا قالوا يا رسول الله فانهم يحدثون بالشئ - [00:50:09](#)

يكون حقا فقال النبي صلى الله عليه وسلم تلك الكلمة من الحق يخطفها الجني فيقرقرها في اذن وليه كقرقرة الدجاجة فيخلطون فيها اكثر من مائة كذبة حديس ثاني برضو عن ابي هريرة - [00:50:30](#)

يبلغ به النبي صلى الله عليه وسلم يا اياد عفوا يبلغ به النبي قال رسول الله صلى الله عليه وسلم اذا قضى الله الامر في السماء اذا قضى الله الامر في السماء - [00:50:58](#)

ضربت الملائكة باجنحتها خضعانا لقوله كالسلسلة على صفوان صفوان ده اللي هو الايه؟ الحجر الصخر الناعم قوي الاملس. والسلسلة المعروفة السلسلة صوت يعني صوت يلفزهم ذلك. فاذا فزع عن قلوبهم قالوا ماذا قال ربكم - [00:51:15](#)

مين اللي قال؟ اهل السماوات يسألوا بعضهم اهل السما الدنيا يسألوا اللي فوقهم واللي فوقهم يسألوا اللي فوقهم وهكذا قالوا للذي قال الامر اللي ربنا امر به الحق وهو العلي الكبير - [00:51:47](#)

فيسمعها مفترق السمع ومفترق السمع هكذا واحد فوق اخر احد رواة الحديس ووصف سفيان بيده عمل كده. ايده اليمين قام عمل صوابه كده ده اللي اسمهم ايه؟ مفترق السمع نصب ايده كده اداه فوق ده كده - [00:52:05](#)

وربما ادرك الشهاب المستمع قبل ان يرمي بها الى صاحبه وربما ما بيدركوش يرميها واللي تحته يرميها واللي تحت يرميها قبل ان يرمي بها الى صاحبه فيحرقه. وربما لم يدركه - [00:52:31](#)

حتى يرمي بها الى الذي يليه. الى الذي هو اسفل منه حتى يلقوها الى الارض يلقوها الى الارض فتلقى الكلمة دي على فم الساحر عرفت الكلمة جاية منين اه في كذب معها مائة كذبة - [00:52:55](#)

فيصدق فيقولون الم نخبر يوم كذا وكذا يكون كذا وكذا فوجدناه حقا الحق هنا فين؟ للكلمة التي سمعت منين من السماء حديس ثاني برضو هيوضح شوية. عن عائشة رضي الله عنها قالت - [00:53:21](#)

الملائكة تتحدس في العنان والعنان يعني الغمام. فوق. في الغمام بالامر يكون في الارض فتسمع الشياطين الكلمة فتقرها في اذن الكاهن كما تقر القارورة فيزيدون معها مائة كذبة يبقى الملائكة - [00:53:43](#)

في الغمام فوق بيتكلموا مع بعض يحصل مسلا زلزال في الحتة الفلانية يحصل خس في المكان الفلاني فالجن يسمع الايه ها؟ يجيبها وييجي جري حديس الاولاني قال ان هم فوق بعضهم. تقريبا مقسمينها مراحل - [00:54:12](#)

يعني ايه كل واحد بيلعب في حتة ما يقدرش ايه في مسل ماردا كبير ده اللي بيقرّب اوي والثاني اصغر منه يروح في المنطقة بتاعته ويقول له في جديد ويقول له في جديد. ايه هو؟ كذا. طيب. ييجي ياخذها وينزل - [00:54:39](#)

التداول في الاخبار دي لو الشهاب او النجم لحقه يحرقوا ما وصلش ايه؟ ما فيش جديد خلاص ممكن ما يلحقوش يوصلها واللي تحته يوصلها لحد ما توصل فين؟ للارض يبقى المعلومة اللي فوق اللي الملائكة اتكلمت بها واتسمعت - [00:54:58](#)

كلمة واحدة منها صح بس عمر اللي سمعه الصح ده ما هيسيبه ايه ها هيضيف عليه حاجات كتير كتير ييجي بقى المتنبي او اللي هيقول الخبر ده فالناس تقول لك ده فلان الفلاني كتب كذا ده واحد امريكي مش عارف كم بيعمل ايه وقال لك يحصل كذا - [00:55:20](#)

وهو حصل اهو ده واحد الماني مش عارف كده. صح ولا مش صح وبيكتبوا الكلام ده في الجرايد او بيكتبوه في الاخبار ده يحصل كذا. يبقى الكلمة لها اصل والباقي كله ايه - [00:55:40](#)

هل انبئكم على من تنزل الشياطين؟ اهي بتنزل على مين بقى ها على دول على كل افك اسيم يلقون السمع يعني الكلمة اللي سمعوها يقولها لهم وده اكل عيشهم اكل عيشهم في ايه بقى - [00:55:53](#)

تضليل الناس تطبيل الناس وتكفيرهم لان مهم جدا ان هم يا معشر الجن قد استكثرتم من الايه من الانس ده انتم كفرتم ناس كتير جدا اهي دي. قالوا ربنا استمتع بعضنا ايه - [00:56:09](#)

دي كانت متعتهم بقى. متعتهم تكفير الناس واضلالهم والشعراء يتبعهم الغاوون والشعراء يتبعهم الغاوون لان الشاعر يا اخوانا ممكن يزوم فهيلاقى فريق معه يمدح فريق معه. يعني اي شخصية مسلا دلوقتي مرموقة مسلا - [00:56:27](#)

اي شخصية عالمية هتلاقي له محبين وله ايه ها؟ مبغضين. واحد بيمدحه بالباطل. واحد بيزمه بالباطل. هتلاقي دول له فريق وهتلاقي دي له ايه يبقى يتبعهم الايه الغوة اللي مغاوين بيمشي ورا مين - [00:56:51](#)

ورا الشعراء كانوا في الجاهلية كده بس لما جه الاسلام بقى وربنا سبحانه وتعالى اكرم الشعراء المسلمين اسلموا ودافعوا عن الاسلام الرسول عليه الصلاة والسلام يحذر من من الشعر الانسان ما بيسلمش يعني منه - [00:57:09](#)

في العموم يعني. انما ممكن يسلم في بعض الامور فيه شعر يرقق القلب فيه شعر مسلا يمدح الاسلام كده لكن الرسول عليه الصلاة والسلام بيتكلم عن الشعر اللي هو ما فيهوش فايده. اللي هو الشعراء اللي بيتبعهم الغاؤون يقول لان يمتلى جوف احدكم قيحا. عرف القه - [00:57:26](#)

الصديد والحاجات القرف دي خير له من ان يمتلى شعرا من ان يمتلى ايه ؟ شعرا. يبقى خلي قلبك يتملي بالايه ؟ بالقرآن مش بالايه ؟ مش لكن لو فيه شعر مسلا فيه - [00:57:47](#)

تهد فيه كزا لا بأس لا بأس والشعراء اللي بيتبعهم الغاؤون في كل واد يهيمون اي حفلة احنا مع الفلوس والله ان كان الراجل بتاع الحفلة ده من بتاع الدين يعني زعيم مسلا ومتدين نجيب له متين شعر حلوين كده عشان ايه يراعيانا - [00:58:05](#)

آ الراجل الزعيم ده بيكره حاجة معينة ننش له عليها برضه نقول له بيتين الشعر يخلوا الحاجة اللي هو بيكرها دي وحشة اوي ما هو في كل واد ايه؟ هو نفس الشاعر - [00:58:28](#)

يشوف المصلحة راحة فين وهو معها في كل واد ما فيش مش منهج. ما فيش مصداقية مش مع حق على طول ولا مع باطل على طول. لأ. في كل واد ايه؟ يهيمون - [00:58:43](#)

وانهم يقولون ما لا يفعلون. الا الذين امنوا وعملوا الصالحات. وذكروا الله كثيرا وانتصروا من بعد ما وظلموا هنا بقى عندنا كم شاعر كده في الاسلام ها آ تابوا وحسنت توبتهم واصلحوا. حسان بن سابت عبدالله بن رواحة كعب بن مالك. لما نزلت الاية - [00:58:58](#)

كما يقول الحافظ ابن كسير جهم بيكوا لرسول الله والشعراء يتبعهم الغاؤون. الم تر انهم في كل واد يهيمون يعني في كل مصيبة في الضلال وغيره جم بيكوا لرسول الله - [00:59:26](#)

قالوا له ايه ؟ قالوا لي يا رسول الله. قد علم الله حين انزل هذه الاية ان شعراء عرفنا ان احنا شعراء طب هنعمل بقى ايه بقى ؟ هنعمل ايه في الاية؟ فقال لهم رسول الله صلى الله عليه وسلم الا الذين امنوا وعملوا الصالحات - [00:59:40](#)

قال انتم وذكروا الله كثيرا قال انتم وانتصروا من بعد ما ظلموا قال انتم يعني يبقى هنا الشعر كده هتستقيم يبقى احوالك احسن واحسن واحسن الا الذين امنوا قهوة عمي - [01:00:00](#)

وعملوا الصالحات وذكروا الله ايه وذكروا الله كسيرا ليه؟ لانه لازم بيدل الشعر اللي قاله بايه بذكر الله. بيدلوا بذكر الله. وذكروا الله كثير. وانتصروا من بعد ما ظلموا وسيعلم الذين ظلموا اي منقلب ينقلبون. حسان بن الثابت - [01:00:20](#)

طبعاً اتكلم على الاسلام في بداية الامر وكده لما اسلم بقى وحسن اسلامه الرسول عليه الصلاة والسلام يقول له اعلم ايه ؟ هاجهم وجبريل معك يعني اعلم ايه اقول شعر في مين في المشركين - [01:00:43](#)

وجبريل معك اه وانتصروا من بعد ما ايه؟ ما ظلموا وسيعلم الذين ظلموا. ده تخويف بقى لمين الزلما في اخر اية في سورة الشعراء. الزلما الزلما بقى المشركين والشعراء الضالين وكل زالم كل زالم كل زالم. وسيعلم الذين ظلموا - [01:01:00](#)

اي منقلب هو هيبقى انقلب شكله ايه ده يا اخوانا اسوأ منقلب طبعاً. اي منقلب ينقلبون فدي بقى تحزير من خاتمة الظلم الزلم وسيعلم الذين ظلموا اي منقلب ينقلبون. اخر حاجة عندنا حديس نعم؟ اي نعم. في الدنيا والاخرة. اي منقلب ينقلبون - [01:01:26](#)

ولذلك الرسول عليه الصلاة والسلام يحزر منه يقول اياكم والظلم فان الظلم ظلمات اي منقلب في الدنيا منقلب سوء بالظالم اوعى تكون فاهم الزالم الزالم اللي بيزلم لا كل زالم على مستواه - [01:01:56](#)

وكل زالم على قد حجمه والزالم مش لازم يبقى رجل. ممكن يبقى امرأة اي ظالم وسيعلم الذين ظلموا اي منقلب ينقلب. ياما في نساء بتظلم زلم الرجالة اي والله. بيزلموا زلم الرجال ما يعرفوش يزلمو - [01:02:13](#)

تسجون جوزها وتغرمه وتخرّب بيته وتسوق سمعته وتصادر امواله رجال ما قدروش يعملوا اللي فيها بتعمله يطفش ويسيب البلد والاحكام عليه ما يقدرش ينزل الا لما كانت تفوت مدة ولا حاجة. وسيعلم الذين ظلموا - [01:02:40](#)

اي اه كل واحد بمستواه كل واحد بمستواه ابن بيزلم اباه زوجة بتزلم زوجها العكس زوج بيزلم زوجته اه رئيس بيزلم مرؤوسة في العمل في هنا هنا هنا وانا وراك لا شف - [01:03:01](#)

هرفدك من الشغل مسلا يعني اي منقلب. دنيا واخرة اتقوا الظلم فان الظلم ظلمات حرمت الزلم على نفسي وجعلته بينكم محرما.

تختم السورة بالمنزرده ؟ اه سبحان الله! وسيعلم اعيد - [01:03:20](#)

رهيب وسيعلم الذين ظلموا اي منقلب ينقلبون. طبعا منقلب منقلب صعب جدا وخطر جدا ومؤلم وموجع ومهين فنعوز بالله من الظلم

ونسأل الله ان يرزقنا العدل ونستحضر دايمًا في خروجنا ودخولنا اللهم اني اعوذ بك ان اضل او اضل او ازل او ازل - [01:03:39](#)

او اجهل او يجهل عليه او اظلم وصى اللهم وسلم وبارك على - [01:04:11](#)